



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy,
Displaced Persons and Refugees

Broj: 13-05/1-04-32093/24
Sarajevo, 25.10.2024. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

- SKUPŠTINA KANTONA SARAJEVO
Služba za skupštinske poslove
- OVDJE -

- VLADA KANTONA SARAJEVO
Stručna služba Vlade
- OVDJE -

Predmet: Odgovor na zastupničku inicijativu, dostavlja se

Poštovani,

Zastupnica Jelena Pekić, u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 – Ispravka), u okviru 16. radne sjednice Skupštine Kantona Sarajevo, održane dana 11.10.2024. godine, uputila je zastupničku inicijativu radi donošenja izmjene Uredbe o subvencioniranju boravka djece u predškolskim ustanovama na području Kantona Sarajevo („Službene novine Kantona Sarajevo“, br. 9/20, 16/21, 22/22, 46/22 i 46/23) na način da se briše član 8. iste.

U nastavku inicijative navedeno je da:

„Trenutno, član 8. Uredbe o subvencioniranju boravka djece u predškolskim ustanovama na području Kantona Sarajevo („Službene novine Kantona Sarajevo“, br. 9/20, 16/21, 22/22, 46/22 i 46/23) propisuje da „Pravo na subvencioniranje boravka ne može ostvariti dijete u čijem domaćinstvu je jedan ili više članova zajedničkog domaćinstva vlasnik privrednog društva ili ima registrovanu obrtničku ili srodnu djelatnost, osim ako je privredno društvo u postupku stečaja ili likvidacije.“

Kao obrazloženje inicijative navedeno je između ostalog da ne mora značiti da vlasnici privrednog društva ili registrovane privredne djelatnosti ostvaruju značajne prihode te ih iz tog razloga treba isključiti iz prava na subvencioniranje troškova boravka djece u predškolskim ustanovama u Kantonu Sarajevo, čime se vrši nedozvoljena diskriminacija. Takođe, na ovaj način se vrši i diskriminacija djece sa invaliditetom, gdje se po članu 5. Uredbe djeca sa invaliditetom uvode u pravo, a onda se ista izvode iz prava prema odredbama naprijed citiranog člana 8. Uredbe.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

1/2

Nakon što je Ministarstvo za rad, socijalnu politiku, raseljena lica i izbjeglice Kantona Sarajevo pažljivo razmotrilo predmetnu inicijativu, dostavljamo Vam sljedeći odgovor na istu.

Zastupnička inicijativa je upućena prema Ministarstvu za odgoj i obrazovanje Kantona Sarajevo, ali je dostavljena ovom ministarstvu budući da se očigledno odnosi na Uredbu o subvencioniranju boravka djece u predškolskim ustanovama na području Kantona Sarajevo čiji je nosilac izrade bilo ovo ministarstvo,

Cijeneci sve što je navedeno u obrazloženju ove zastupničke inicijative, mislimo da postoji osnovanost da se preispita član 8. Uredbe o subvencioniranju boravka djece u predškolskim ustanovama na području Kantona Sarajevo, te da se izmijeni ovaj član.


Takođe, cijeneći odredbe člana 5. i 8. Uredbe o subvencioniranju boravka djece u predškolskim ustanovama na području Kantona Sarajevo vidljivo je da su one proturječne kada su u pitanju djeca sa invaliditetom.

Iz ovog razloga ovo ministarstvo će smatrajući zastupničku inicijativu osnovanom, prići izmjenama navedene uredbe u pravcu omogućavanja boravka djece u predškolskim ustanovama i subvencioniranja boravka u skladu sa potrebama očuvanja socijalne sigurnosti porodica sa niskim primanjima, imajući pri tome u vidu obavezu nedskriminacije prilikom ostvarivanja prava na subvencioniranje boravka djece u predškolskim ustanovama.

S poštovanjem,

Pripremio: Zoran Timarac, pomoćnik ministrice

Amira Gackić, Sekretarka Ministarstva



Enda Pavle Pecenković

Dostaviti:

1. Naslovu,
2. Koordinatoru odgovora na zastupnička pitanja,
3. Evidencija,
4. A/a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

2/2